

宋高菊圃先生詩集

菊圃集

南仲集

續古集

德舉詩

實齋詩

遁翁詩

菊磻集者高君九萬翁之所作也九萬舜江人
諱翥號菊磻世居越之餘姚少穎拔不羈抗志
厲節好讀竒書厭科舉學退然信有天命隱居
教授師道尊嚴弟子造其門者隨其材器教之
皆有成就家雖貧非其義一介不取扁所居曰
信天巢而樂乎道采菊英酌磻水蕭然遊憩操
觚詠歌凡所交皆碩士旣而遊錢塘越金陵浮
洞庭彭蠡吊古今名山大川蓄諸心胸發於聲
詩以鳴當世載諸羣選耄年耽西湖之形勝周
君文璞詩酒相與遂卒於寓舍墓杭之葛嶺談

家山平生特崇志節出乎人表煥爛文章在人
心目其姪鄉貢進士南仲甫痛其文墨外遺十
亡八九殘編綴之斷簡拾之僅存者百七十章
成集而家傳焉今曾孫名師魯者持其集屬予
序予盥手閱之知其氣象渾厚不務險恠艱澁
哀樂皆適其中辭氣圓美流轉如彈丸則其功
也精矣足有關於風化者哉實當代之儒宗良
有以脩後之觀也惟公父曰選叔父曰邁紹興
間繼登科第伯任武當軍節推叔任縣尉各有
壻一爲寶學尙書王佐一爲宗正少卿史彌大

榮冠當時迄今詩禮相襲道義相宣藹然而盛
實自菊磻翁啟之也今遺墨之存非專美於家
之有傳而亦幸于世之有傳矣爲其子若孫者
當景仰而慕之予與高氏斯文久契序可得而
辭乎於是書其要於卷首皆元貞元年春
既望榮祿大夫翰林學士承旨姚燧序

家乘公諱翥字衍孫祖文端公諱世英父進士
公諱選公生而穎拔九歲能詩頃刻立就及長
博極羣書通孫吳兵法自以宋室懿親憤疆宇
日蹙嘗欲結客取中原之地喜讀劉琨祖逖傳
每酒酣輒取朗誦誦已而北慟哭哭已復飲既
而屢試不偶且察朝廷殊無恢復意乃嘆曰吾
固謏謏無能雪二聖之耻然欲一效死沙場不
可得豈非天歟於是絕意事功命所居曰信天
巢日以詩自娛時周文璞杜仲高皆以詩名動
江東公嘗遊此兩人間各務出奇相勝每得一

雋語槌案大呼吳山風景爲之肅然公論詩精
到當代罕出其右其報友人書畧曰旦奉明教
量材而進成家而止時代高下無庸論較斯言
美矣未盡善也夫古以漢魏爲至律必開元以
前材有不逮可勉而至志之所畫終焉而已使
蘇李苟安必效瓦缶之奏孟賈易轍立發洪鐘
之響然匠心難工學步滋醜時賢崇尚杜詩句
紬字繹神理索然竊欲法其弘深滌彼拙率推
之漢魏莫不皆然若夫天寶以還五季而上但
堪代燭云爾公旣肆志聲詩屏居高臥益以氣

自負孝宗朝累徵不起乃卽所居賜號菊磻處
士仍手書賚之公季年愛巖門山水與子鄉進
士道隆俱遷焉尋卒塋杭之葛嶺談家山所著
有菊磻集二十卷今佚

贊曰公巖居川觀未嘗有旦夕之遇然觀其感
激颺起其志豈須臾忘王室者哉雄邁之氣發
爲聲詩持論不屑一切然則格律已峻於宋矣
何必高仲武諸公也

寒家本燕人宋開國初寶臣公諱瓊者隨宋太祖
祖決策定難歷官忠武軍節度封衛國公加太
尉遂家於汴再傳紹先公諱繼勲生子六人遵
甫公爲宣仁皇太后外戚俱有武功世封王爵
南渡時賜第臨安子孫多官禁衛慮爲賈秋壑
所嫉散居杭之海寧越之餘姚使各奉祠祀菊
礪公者幼習科舉學下筆輒異長乃卓越不羈
曰此不足爲吾學也放情吟嘯所交如杜仲高
張荃翁周晉仙皆一時名流共相倡和紫髯廣
顙尤善談論與人欵欵無間言忽值莊語則凜

不可狎陳復齋宓許鍊菴復道交誼最篤二公
遊宦多與之俱晚年歸隱西湖棄竒就實淳祐
元年卒於湖上年七十有二葬葛嶺談家山載
郡誌實宋之隱君子也余十四歲時從先君子
歸姚江過上林湖拜節推縣尉墓松杉高茂掩
映湖水四百餘年封植如故可謂子孫善守矣
自是任深柳讀書堂者兩月堂爲先曾祖講學
之所門臨清溪深柳成巷先君子更增植之高
氏家祠在堂之西偏規模弘敞堂室門廡畢具
族子弟肄業其中堂後樓五楹藏當年誥勅

書籍舊刻菊磻南仲兩公詩藁及姚承旨王學
錄原序缺略不全詢諸父老云自明嘉靖間遭
倭寇焚掠散失殆盡亦無從得其遺本補輯之
若節推縣尉之詩僅存數首又有質齋遜翁譜
失其名詩亦清迥余恐殘板久復漶漫洗而錄
之頃在都門從御史大夫徐公所藏宋板書籍
中得菊磻詩一百有九首合向之所錄三十二
首又於他集中得十三首頃同年朱竹垞復從
宋刻江湖集中按示四十七首統計重出者十
二首前後凡五七言近體詩一百八十九首竊

信天巢遺藁
念先賢遺稿忍使湮沒不傳遂併南仲節推縣尉之詩同付剗刷而附質齋遜翁詩於卷尾海內藏書家或有收其遺集者毋吝寄示獲成全璧實至望焉康熙丁卯十二月朔日江村高士奇

信天巢遺藁

高翥字九萬號菊磻行百五六府君

長樂郡
振鐸西
請

春日即事

人間閒日月春後乍晴陰
半夜雨聲急一谿流水深
鳥嘯花自發詩就客能吟
短策西湖路幽芳信意尋

飛絮送別

老去情懷怕別離年來不作送行詩
人前舉似終難信問着垂楊便可知

人絲白春日北山三首

信天巢遺藁

菊磻集

人緣白石滌清溪。手剝蒼苔認舊題。春色滿山歸不去。拆桐花裏畫眉。嗚。
插花吹笛兩山中。桃李尊前日日同。待得馬頭飛絮滿。更來沽酒看殘紅。

僧房夜坐

萬枝松裏一篝燈。知是山房第幾層。靜夜數聲清磬響。上方應有誦經僧。

訪諸葛鍊師不遇

青銅留着布囊中。去謁人間小臥龍。久欲共君謀一醉。有錢卻又不相逢。

雜興二首

新分菊本自鋤山。手縛枯藤作矮闌。比似著書空用力。種花猶得一年看。

二十年前欲住山。不禁寂寞拚柴關。如今寂寞禁當得。欲拚柴關又却難。

秋日田父辭二首

啄黍黃雞沒骨肥。繞籬綠橘綴枝垂。新釀酒旋裁衣。正是昏男嫁女時。

少婦挾藍旋染裙。大兒敲葛自漿巾。新摘摘笑欣欣。相喚相呼看賽神。

孤山雪後

雪後騎驢行步遲。孤山何似灞橋時。近來行輩無和靖。見說梅花不要詩。

天台曹園

蔡嶺桑麻地。曹家桃李莊。谿流春水滑。梅度晚風香。竹屋解留客。筍輿休俶裝。平生看花處。不學蜜蜂忙。

西湖春雪

小艇沿湖看雪飛。正當騎馬蹋春時。是誰乞與楊花舞。先占東風一月期。

閒居雜興三首

開門遣蠻童買花供。銅佛春風隨花來。為我披拂風和花氣清。下簾休放出回施佛。因果供此老詩骨。

點鐙酌春酒。襞紙題小詩。讀盡列仙傳。引調學語兒。自飲復自笑。不覺春漏遲。且了今日事。明日還任之。

杜鵑休怱怱。布穀休聒聒。無田不須耕。無家自能活。行藏莫非時。造化安可奪。更放心地寬。出門行路闊。

春日湖上

乘興行新路。凝情獨老翁。馬蹄春艸上。人影夕陽中。飛絮沿湖白。殘花染浪紅。晚歸雲氣合。雙槳破空濛。

春懷

江南春盡尙春寒。添盡征衣獨掩關。日暮酒醒聞謝豹。所歡多在水雲間。

過臨平

江颿一似白鷗輕。起揭船篷看曉晴。梅子着花霜壓岸。自披風帽過臨平。

古廟

古廟依喬木。開門對淺沙。短籬紅槿樹。深徑碧苔花。屋破香煙濕。庭空日脚斜。山寒無賽鼓。鳴噪集神鴉。

古寺

山路荒涼出小亭。土墻斑駁帶枯藤。欹斜古殿三尊佛。黯淡寒篝一點燈。碣石半磨天寶字。禪房空老政和僧。頭陀禮拜迎人說。門外浮屠欠兩層。

言天集遺集 菊圃集

信天集遺藁
結屋離黃道。開門對白沙。一莊千古月。三徑四
時花。客至旋沽酒。身閒自煮茶。相聞蟲鳥外。不
復聽喧譁。

秋日三首

旋買扁舟載一翁。片颿吹下夕陽東。西風欲織
江頭錦。催染秋林葉葉紅。
庭艸啣秋自短長。悲蛩傳響答寒螿。豆花似解
通鄰好。引蔓殷勤遠過墻。
獨客飄然物外遊。江南江北總宜秋。芭蕉昨夜
緣何事。和雨和風作許愁。

松谿廟

廟自何年立。門深晝不扃。寒藤扶壞壁。秋艸帶
疏櫺。谿接東西碧。山分遠近青。老巫逢客至。謾
說有神靈。

蓮實

膩玉肌膚碧玉房。纍纍波面趁紅芳。坐忘佛土
三生夢。來結人間一夏涼。青子綻時仙掌濕。綠
包分處蜜脾香。尊前笑摘醞風露。猶記西湖古
柳傍。

無題二首

獨展羅衾無夢成。寶香熏徹轉愁生。癡心不願
郎思妾。只願郎今厭客情。

風竹蕭蕭淡月明。孤眠真箇可憐生。不知昨夜
相思夢。去到伊行是幾更。

數聲新鴈夜初長。曉起開門衣袂涼。籬菊褪黃
秋興懶。瓦溝才試一痕霜。

秋晚卽事

江頭風葉舞低回。催得濃雲頃刻開。萬里碧天
紅日晚。數聲新鴈送寒來。

毋自欺齋夜宴

毋自欺齋清更嚴。齋中人物斗之南。七朝宰相
得瞻仰。四海詩人交笑談。古調喜聽琴再弄。深
杯休惜酒重添。玉堂今夜無宣喚。且與江湖作
小叅。

曉出黃山寺

曉上籃輿出寶坊。野塘山路盡春光。試穿松影
登平陸。已覺鐘聲在上方。草色谿流高下碧。菜
花楊柳淺深黃。杖藜切莫匆匆去。有伴行春不
要忙。

育王寺

曉策烏藤上育王。入山隨處得徜徉。碑頭龍護
先皇字。塔下魚懸外國香。徧謁僧房嘗茗。閑
聽社媪說豪光。山深日短行難盡。僧遣頭陀辦
客牀。

春日湖上

清波門外放船時。盡日輕寒戀客衣。花下笑聲
人共語。柳邊檣影燕初飛。曉風不定棠梨瘦。夜
雨相連薺麥肥。最憶故山春更好。夜來先遣夢
魂歸。

黃居士山房

浮利浮名心已灰。三間茅屋白雲堆。先生自釀
松精酒。侍女能持藤瘦杯。養鹿曉隨原艸去。放
猿時摘野花來。近聞身口渾無累。柵葉黃青繞
宅栽。

育王寺

精藍遊歷地。景物自情親。鶴引登山客。僧迎禮
塔人。名花千佛供。喬木萬夫身。碑刻東坡作。重
來為拂塵。

送春

信天集遺藁

菊礪集

七

韶光催去太無情。祇爲東君去住輕。雖欲遲留
芳艸夢。如何禁得杜鵑聲。桐花快落春風老。梅
子微酸晚雨晴。從此嬉遊時節少。不須日日報
詩成。

秋山散步

乍晴沙路軟於塵。新着芒屨更可人。誰道秋山
不宜客。桂花多處勝行春。

卽事

秋來高處不宜登。閒却西樓最上層。讀罷黃庭
窗戶晚。自敲清磬上香燈。

烏鎮普靜寺寺沈休文故居也

寂寞梁朝寺。深廊十數間。碑存知殿古。香冷覺
僧殘。斷岸舟橫浦。平坡樹補山。休文如好在。依
舊帶圍寬。

渡錢塘

小立晴江上。潮生落照邊。晚花低映水。春艸暗
迷烟。燕子飛官驛。鷗羣引客船。關情南浦別。相
對獨依然。

香雨邊七夕。平野望回口。秋風卷空林。雲帶雨
重枕新涼。供醉眠。覺來風物已凄然。山雲帶雨

重重合宮樹鳴秋葉葉顛滿進一杯酬好節休
看兩鬢換流年雙星回口癡兒等容我長齋繡
佛前

荆棘中見梅花

荆棘叢中數點春春雲態度月精神依然竹屋
茅欄下靚女盈盈不嫁人

感春

人事日紛紛不知春已分問梅成綠葉看杏落
紅雲燕向晴空語蛙從夜靜聞感時傷老大孤
坐對鑪熏

送劉允叔主簿歸山中

浮利浮名挽不來故山歸去恰春回馬蘭旋摘
和松鬢枸杞新生傍菊栽庭樹夜留山鳥宿洞
門早爲野雲開明年我亦天台寺相伴芒屨蹋
古苔

江居曉詠

家住清江江上村江雲山影自平分幾回早起
開門看不見青山見白雲

題二小姬扇二首

慶娘顰翠眉春瘦怯羅衣笑問采花蝶如何成

信天集遺藁

對飛
湘湘未識羞。獨坐抱箜篌。貪學者婆舞。擡身拜部頭。

小樓雨中

雲浮江雨暗。獨客苦淹留。白髮羞明鏡。青山對小樓。酒功書下下。心事付悠悠。安得并州剪。從頭翦斷愁。

首夏

漾漾池塘碧。染衣陰陰草樹綠。成圍江村寂寞。春歸後一點楊花不見飛。

寄方巖

綠髮仙人山澤癯。出遊入息幾曾拘。種花甚少四時有。諫艸不多千古無。閱世眼高磨日月。好賢名重滿江湖。行藏到得無心處。鐘鼎山林豈異塗。

自賦

蝸角蠅頭總是虛。何須留戀市朝居。老於親戚情當密。貧與公卿分合疎。小澗艸荒元種菊。故山塵滿舊鈔書。幾時歸去重經理。嘯月眠雲得自如。

鼓山登高

醉眼橫斜看菊枝。又成客裏過佳期。去年行路猶持酒。今日登高嬾賦詩。老淚怕從衣裏見。閒情但有帽欄知。阿髯故國才歸得。歲歲須來舉一卮。

戍婦吟二首

將身託戰爭。世事百無情。相對坐離別。渾如落葉輕。辭家出戍邊。北望隔青煙。怕作沙場夢。秋宵不敢眠。

重遊無量院

佛屋欹斜老翠微。小軒猶記昔遊時。江雲帶雨涼生竹。野水迎潮暗入籬。門外風波僧自識。山中朝暮客曾知。眼明素壁關情久。十載才能爲此詩。

春霽

積雨才收雲盡歸。長空一色碧琉璃。日移簾影臨書案。風颭瓶花落硯池。巢燕學飛猶戀母。籠鷄得食旋呼兒。眼看景物關情甚。喜爲新晴賦此詩。

歲除登岸嶠山精舍

蕭寺經行無盡情。倚闌長是眼增明。谿因宿雨十分急。山爲凝寒一味清。竹外飛花隨晚吹。樹頭幽鳥識春聲。重來又是明年事。臨出門猶款款行。

張氏曲江

一曲澄江兩派分。滿山修竹綠齊雲。矮窗風月侵飄腹。小徑煙霞隱屐痕。白鷺夜依花影宿。清猿時共鶻聲聞。主人與客心如水。同倚闌干得細論。

登九華樓

高閣臨江可契心。與來時得一登臨。山雲浦樹重重合。野水汀蒲日日深。鴉背夕陽供晚嘯。蟬迎涼吹試秋吟。倚闌盡見諸峰出。如對風流李翰林。

趙仲莊都鈴山居

一官難換北山薇。結屋栽花度四時。果熟不妨禽摘盡。酒香惟恐客來遲。小蘋低唱花間曲。何廣高吟李下詩。客久辨心分半隱。尙嫌風骨欠仙姿。

船戶

盡將家具載輕舟。來往長江春復秋。三世兒孫居柁尾。四方知識會沙頭。老翁曉起占風信。少婦晨粧照水流。自笑此生漂泊甚。愛渠生理付浮悠。

歸寓舍

門前流水碧粼粼。歲晚歸來亦可人。梅欲開時多是雨。艸才生處便成春。嬌兒對面兩癡絕。老子關情一欠伸。快取竹筩筩濁酒。舉杯先爲洗京塵。

憶西湖

西湖春二月。結客少年遊。駿馬黃金勒。長身紫綺裘。愛花論擔買。嗜酒滿船浮。兩載緣何事。台州又越州。

小樓雨中

長安市上僦樓居。閒裏身心儘自如。十日雨聲春對酒。一窗燈影夜觀書。茶經未展愁先醒。藥錄才看病已除。所欠短檣晴景好。拆桐花月共扶疎。

喜鄉友來

蕭蕭春夜雨。有客渡江來。世事攢眉說。鄉談信口開。晚肴供苦筍。時果薦青梅。甚欲澆離恨。呼燈撥酒醅。

春寒

料峭東風破客衣。春寒不比臘前時。絕憐墻角櫻桃樹。全似梅花雪後枝。

昌國縣普濟寺小亭

鯨海中流地。龍峰小洞天。亭高先得月。樹老久忘年。大士居鄰境。閒僧指便船。若爲風浪息。更結補陀緣。

春情四首

樓頭上馬苦匆匆。百計相留無計從。正好看花郎却去。江邊春色爲誰濃。

天涯海角水雲寬。人在吳頭楚尾間。彈徹箜篌難寄恨。海棠庭院獨凭闌。

深院沉沉照落暉。寶香熏徹舊時衣。一春行樂誰爲伴。羞見花前蛺蝶飛。

鬪艸歸來上玉階。香塵微浣合歡鞵。全籌贏得無人賞。依舊春愁自滿懷。

晚春卽事

輕煙終日鎖樓臺。細雨絲絲半濕苔。杜宇一聲青嶂外。谿流時送落花來。

戴山戒珠寺寺王右軍故居也

葉葉東風吹客衣。昌安寺裏晚遊時。欹斜竹屋羲之宅。磨滅經幢帥府碑。佛化是誰留實相。鶩亾猶自見方池。逢僧小作煎茶供。略問源流笑不知。

冬日卽事

江上凝冰約水痕。門前殘雪綴谿雲。杖藜獨立梅梢月。成就清寒到十分。

顛全髻如占切

訪銛朴翁不遇二首

亂花飛絮趁長顛。來訪西湖竹裏庵。行盡白雲三十里。詩人又在白雲南。乘興尋僧入翠微。山中無限野薔薇。主人不見從誰賞。折得繁枝自插歸。

聚景園口號二首

淺碧池塘連路口。淡黃楊柳護欄牙。舊時歲歲春風裏。長見君王出看花。

竹影參差臨斷岸。花陰歷寂浸清流。遊人難到闌干角。盡日垂楊蓋御舟。

關千歲恭跋思陵宸翰拓本卷後

淡黃越紙打殘碑。盡是先皇御賜詩。白髮內人
和淚讀。為曾親見寫詩時。

山行卽事二首

落盡桐花春已休。過墻新竹籜初抽。山行步步
黃泥滑。小立谿橋聽雨鳩。

捲地東風晚更狂。櫻桃吹子落泥墻。谿雲自為
催詩黑。忙殺條桑窈窕娘。

寄林徵君

老無閑事上雙眉。問着窮通盡不知。兩鶴忽飛

因客到。一牛方病得妻醫。案頭幾卷陰功錄。壁
上諸家勸世詩。見說今年公八十。鬢邊才有數
莖絲。

曉行

跨馬登長路。聞鷄度遠關。水光斜漾月。雲影倒
蘊山。人迹霜橋外。禽聲煙樹間。自慚林下客。清
夢未曾還。

三峰廢寺

荒林依約舊山門。秋艸離離故迹存。雙瀑有聲
傳宿雨。一龕無地住閒雲。蝸沿壞壁丹青古。龜

信天身遺
負殘碑字畫昏三歎廢興誰可問亂鴉鳴噪自成羣

下塘二首

河水新添三尺高河邊蘆葦有龜巢波流夜夜飄漁箔空點籃燈照樹梢
日出移船日又斜蘆根時復見人家水鄉占得秋多少岸岸紅雲是蓼花

行淮

老翁八十鬢如絲手縛黃蘆作短籬勸客莫嗔無凳坐去年今日是流移

蘭亭

老來渾不愛春遊來對蘭亭爛熳秋亭下水非當日曲山前竹似舊時修二三客子因懷古八百餘年續勝流試與山靈論往事不知還肯點頭不

贈丁子植撫幹

幕府歸來赴調時清聲籍籍滿京師真如白壁藏奇石判得黃金博斷碑借宅先尋籠鶴地買盆權作養魚池客中高致猶如此明日還山樂可知

天章寺

地勝秋清人欲仙。倚闌時節月初圓。不知寺在
煙霞表。但覺身臨星斗邊。寶墨舊歸天上去。高
名今向世間傳。登臨莫作匆匆會。去後重來又
幾年。

天衣寺

萬壑千巖非浪聞。十峰雙澗不須論。袈裟旋化
空王服。宮觀曾招帝子魂。山向馬頭回禹穴。谿
分燕尾入雲門。秋行既了登臨願。艸艸題詩對
綠尊。

毅齋鄭秘書道山領客

羣玉堂前春晝陰。主人領客步清深。上方圖畫
無真贗。東壁詩書有古今。手轉玉璣看測日。指
揮金井試爲霖。山翁不作蓬萊夢。但願時來洗
此心。

元日

長憶兒時二老傍。元正歲歲有風光。攬先禮數
修人事。着好衣裳侍酒觴。回首不堪追日月。感
情空嘆換星霜。尙期我老如親老。却看兒童作
節忙。

重五日懷舊

獨守空庭日欲晡。滿斟濁酒不須沽。白頭兄弟三年別。青眼交遊一字無。醉看葵榴懷舊事。饒思櫻笋夢吾廬。向時癡絕今愁絕。自讀離騷些老夫。

贈番陽程克已

見說番陽有老程。與人懷抱亦分明。一千里外未識面。二十年間長慕名。因聽酒邊談舊事。便從客裏定交情。他時我老君猶健。海內重逢卽弟兄。

初聞雷聲

二月寒猶在。春雲濕未開。灑窗終夜雨。發軔數聲雷。薺麥綠生腦。棠梨紅拆腮。西湖花事動。從此日裴回。

靈巖寺

天柱峰高逼太清。靈巖端足擅高名。人間有石皆奴僕。天下無山可弟兄。樵徑雪深多虎迹。清谿風暖盡猿聲。客身元是山林種。見此如何不動情。

秋夜

隨園詩話十二卷三四頁載武
弟山庭柱一對。世間有石皆
奴僕。天下無山可弟兄。末
四者毛大周題。

小屏相對兩眉攢。長夜迢迢不肯殘。鼠向燈前
窺坐臥。人從夢裏說悲歡。故山無計行秋晚。客
路從誰守歲寒。留得濁醪相慰藉。酒腸猶喜十
分寬。

寄王仲彝仲彝留三衢久不歸省因以
箴之

別君三見雁南飛。夢裏相逢覺又非。書去不知
何日到。人來先問幾時歸。正堪燈火親書卷。莫
遣塵埃染客衣。二老倚門知已久。交情於此亦
依依。

李將

自小在行伍。得官因用兵。籌邊頭髮豎。入陣骨
毛輕。戰馬惜如命。寶刀都有名。酒酣常罵坐。嫌
客話昇平。

無錫縣春日

吳楚新岐路。江湖舊散人。放船來古縣。沽酒供
閒身。花卸一村雨。鳥啼千樹春。野塘風捲地。無
復見芳塵。

常熟縣破山寺

古縣滄浪外。精藍縹緲間。木枯曾閱世。龍老解

分山鳥道秋迷迹。禪房晝掩關。詩成遊子去。流水自潺潺。

曹娥浦泊舟

夜宿曹娥浦。停舟是幾更。聞鐘知寺近。聽鷓信潮生。風向沙頭起。天從柁尾明。夢回無意緒。兩岸杜鵑聲。

拜林和靖墓

玉函香骨老雲根。占斷孤山水月村。薦菊泉清涵竹影。種梅地冷帶苔痕。生前已自全名節。身後從誰問子孫。惟是年年寒食日。遊人來與酹

清尊。

多景樓

一帶青山欲盡頭。精藍深處着危樓。下無餘地容車馬。上有重欄接斗牛。鴉落野田長趁晚。鴈沉煙渚最宜秋。江南好景從來少。北望空多故國愁。

登中首賞心亭

江亭如倚釣魚磯。面面雲欄勢欲飛。西望汀洲依白鷺。東連巷陌接烏衣。六朝更代人何在。千古興亾事總非。客子猶憐風景好。倚闌長是欲

信天集遺藁
忘歸
夜過馬當山
獨載詩書趁野航
自憐漂泊度時光
殘年準擬
登牛首
連夜匆忙過馬當
古廟荒寒江浸影
斷崖淒慘石凝霜
壯懷未分甘衰老
回首長淮恨
更長

送方秋崖

忠言歷歷未曾行
盡載圖書出帝京
餘子但知
才可忌
先生當以去為榮
門闌竹石關心久
曲溪山照眼明
長嘯歸歎莫惆悵
浙江風定自

潮平

時人謂與劉改之
送王侍御詩匹敵

喜杜仲高移居清湖

林軒為仲高開山
出仲高有辛田記

笑携雞犬入城居
無復游從嘆闊疎
河水通船
堪載酒
桐陰近屋可修書
飯香休憶辛田米
羹美何慙丙穴魚
我亦買山湖上住
效芹時擬貢
園蔬

自題信天巢

有序

容齋五筆載瀛鄭二州之境塘灤之上有禽
二種其一類鵠色蒼而喙長凝立水際不動
魚過其下則取之終日無魚亦不易地名曰

信天緣其一類驚奔走水上不分腐草泥沙
必盡索乃已無一息少休名曰漫畫均度
日無饑色而反加壯大二禽稟性不同如此
子每讀之竊有感焉因牘其所居曰信天巢
正甫老于文學爲予作記故併刻諸巢中
信天巢小僅容身中有圖書障俗塵不與世爭
閑意氣且隨時養老精神破鐺安穩齊鐘鼎短
褐參差比縉紳渴飲三杯饑二飯主人日用未
爲貧

靜對

靜對爐煙一縷霞謝天成就澹生涯安排瓦硯
臨章草收拾菟瓶插鄭花莫問家儲無擔石休
嫌人事似團沙三杯竟醉醒時晚臥看春雲送
日斜

無計

無計留連日爭來斷送春落花終日雨流水一
溪雲山鳥呼名急林梢着色新詩成真謾與吾
懶事因循

喜南仲姪來

自從清曉到黃昏閑坐閑眠深閉門猶子雨中

來息擔老夫燈下起開樽故山墳墓何人守舊
宅園亭幾處存問答恍然如隔世若非沉醉定
消魂

清明日對酒

南北山頭多墓田清明祭掃各紛然紙灰飛作
白蝴蝶淚血染成紅杜鵑日落狐狸眠塚上夜
歸兒女笑燈前人生有酒須當醉一滴何曾到
九泉

趙忠定公帥蜀時題雪錦樓有扁舟衡
岳問歸程之句後人以爲識題跋者甚

多邵使君以墨本見贈敬書其後

九鼎重安國勢牢功名易辨謗難逃手扶日月
掃雲霧身在江湖直羽毛雪錦詩成如識兆金
滕書啟見勤勞紛紛論定知忠定不負中朝兩
字褒

客枕

客枕眠僧舍巍然鶴髮翁事如前日異心與少
年同一夜送春雨五更臨曉風夢回思往事愁
在不言中

度仙霞嶺

盡日度仙霞。西風吹鬢華。乍寒拋白苧。臨晚見
黃花。山險全無路。溪晴半是沙。嶺雲逢宿處。斜
月帶棲鴉。送春雨正更幽。風夢回思。五事然
沿路梅花管送迎。廬山初別雪初晴。若無急事
相驅役。有酒人家便不行。

采石興亾地。聲名宇宙齊。山眉間吳楚。江口折
東西。今古多遺恨。英雄幾噬臍。征塵何日盡。北
望轉悲悽。

嘆息

嘆息閑身不自如。長年借屋客中居。事多只爲
人情熟。貧甚還因世法疎。兄弟候歸應有夢。交
遊散去更無書。攢心萬感爭催老。白髮蕭騷欲
滿梳。

拜尹和靖先生墓

先君受業
先生之門

和靖祠堂在午村。敬瞻遺像憶師門。洛中雖去
名猶重。吳下曾來道益尊。言立豈徒規後學。書
存端可識真源。瓣香再拜公應鑒。自愧傳衣忝
嫡孫。

經李謫仙墓

蕭蕭高塚倚雲根。父老相傳太白墳。白骨定隨風月冷。青山常共姓名存。平生出處猶如見。一死浮沉那可論。客子開元書記後。故來澆酒些些清魂。

輦下酒市多祭二郎祠山神

簫鼓喧天鬧酒行。二郎賽罷賽張王。愚民可紱多忘本。香火何曾到杜康。

重陽述懷

年年客裏過佳期。時節難逢莫皺眉。酒量三爲

重九盡。杯行不必再三辭。登高興懶詩仍賦。憶古情深淚自垂。縱使西風落烏帽。黃花猶戀鬢邊絲。

歸來

歸來成倦客。隨分樂閑居。供佛換新水。課兒溫舊書。已荒三逕菊。且種一園蔬。來往多鄰舍。餘無長者車。

秋夜遊無量院

僧閑甘寂寞。寺古絕紛華。鳥摘過墻棗。猿爭守樹楂。雨多溪沒井。藤老蔓緣笆。莫坐庭前石。怕

傷苔蘚花

破屋

破屋三間書五車。一翁醉髮老髭髵。蕭牆甚窄
難栽竹。草地雖平不種花。井淺自能供日用。樓
高誰怕被雲遮。過門人問何人住。題扇橋西百
姓家。

雜興

短帽輕盈出晚巒。兒童夾道競來看。老夫何足
驚人眼。爲有猿猴把釣竿。

冬日書懷用正甫韻

慣將雙手托虛空。歲事雖窮道不窮。身健不知
行路遠。心安還與在家同。客携酒至一樽綠。兄
寄書來三印紅。看罷兄書斟客酒。閑愁無事置
胸中。

挽陳復齋二首

封章字少納忠多。袖疏前陳無奈何。但得中天
行日月。不愁平地起風波。臺官論罪終投筆。山
賊聞名亦倒戈。惆悵脊梁如鐵硬。天奚忍使悶
山阿。

憂世心勞鬢易斑。笑顰還與世相關。秋霜烈日

君臣際和氣春風母子間學道期傳千載統獻
言先辦一生閑堂堂仰止人何在只有名如不
動山

同周晉仙夜宿

窮似我夜深來共紙衾眠
更有詩人

桂

玉蕊琅玕樹天香知易薰露寒清透骨風定遠
含芬

對菊三首

白白黃黃自歲寒詩翁但作菊花看牡丹茉莉
非吾事自是時人被眼瞞
親向東籬手自栽夕陽小徑重徘徊花應得似
人垂覺過了重陽爛熳開
愛花千古說淵明肯把秋光不似春我重此花
全晚節賸栽三徑伴閒身

贈相士錢子章

先生受命聖明朝鳳詔欣然脫錦袍流落子孫
從有失等閑軒冕未容招家貧術不因錢賣勢
合平生爲酒豪近日人間能食肉請君着眼看

班超

謝人惠書籍

曾問韋編策重勲。羣書分選張吾軍。標題濟楚
令心賞。字畫分明慰眼昏。插架有時防鼠嚙。莊
家無力買香薰。不如隨處堆床几。檢閱時時似
對君。

謝張致遠嵩嶽圖

先世前蹤不可追。君從何處得全碑。上橫嵩嶽
幾千丈。下列齊公二四詩。室號揖仙懷舊事。庵
名面壁認頽基。青氈真是吾家物。欲以瓊瑤厚

報之。

過平原故相宅

拂曉官家簿錄時。未曾吹徹玉參差。傷人不忍
聽鸚鵡。猶向雕籠喚太師。

雨中

霍地春歸喚不應。客中容易鬢星星。漫山風雨
櫻桃紫。繞屋煙雲薜荔青。姑惡恨誰能自苦。子
規催客厭人聽。閉門獨坐難拋酒。生怕離愁到
短屏。

輓章朋舉

信天真道高。菊圃集

相逢便拜十年兄。自此交遊得盡情。艸紙抄書傳遁甲。竹筩沽酒命添丁。他時結屋期來往。今日登門隔死生。從此茗溪明月夜。小舟不復爲君停。

春夜

小牕兀兀守更殘。案上詩書亦嬾觀。頻剪燭花聽夜雨。盡垂簾影隔春寒。破除夢幻從頭了。安置身心向下看。老子靜中消日月。全然不是客長安。

楊花

萬縷千絲拂水濱。盡催飛絮送殘春。風前輕薄佳人命。天外飄零宕子身。繞路鋪時成素毯。就泥沾處襯芳塵。江頭雨過遺蹤盡。留得柔條折贈人。

秋興

老去無心世事輕。但從景物畧關情。曉看鴈陣驚秋晚。夜聽鶴聲知月明。石鼎鬻茶論水品。土墻題字記花名。出門更自有真樂。閑向通衢穩步行。

山行卽事

信天集遺稿
籃輿破曉入山家。獨木橋低小徑斜。屋角盡懸
牛蒡菜。籬根多發馬蘭花。主人一笑先呼酒。勸
客三杯便當茶。我已經年無此樂。為憐身久在
京華。

靈鷲寺

靈鷲名山萬古名。幾回無事繞廊行。殿前流水
晴猶急。塔上春雲晚自生。鶴傍經牀聽梵語。鳥
窺齋鉢候鐘聲。我來借得團蒲坐。歸去閑眠夢
亦清。

老將

垂頭終日坐當門。兩臂蒼龍隱墨紋。笑撚白鬚
傳陣法。手攤黃紙說君恩。中年主帥皆為鬼。晚
歲虞兵見領軍。每勸兒孫學刀箭。解衣教看舊
癍痕。

秋夜書懷

明滅孤燈縹緲香。沉沉更漏隔宮牆。秋風倦客
家千里。夜雨懷人天一方。世事從他多鉏鋤。生
涯如我亦淒涼。亟須喚酒消長夜。休夢黃花繞
澗傍。

投老

信天集遺稿

菊圃集

三

鐙
全燈

投老纔營一把茅。前臨官路後林坳。最憐鷄犬
無鄰舍。好放牛羊。有近郊。春韭採來勝市食。秋
鱸畱取續山肴。吾廬誰道難尋覓。古樹排門盡
鵲巢。
西出吳門步屨輕。浮屠喚客入山行。石從試劔
何年製。池自通泉。盡日平。煙徑遠傳僧磬響。雲
龕深鎖佛燈明。移舟更宿楓橋寺。要聽疎鐘半
夜鳴。

焦山

山擁中流翠作堆。四圍竹樹鬱崔巍。殿前雲向
欄牙出。門外潮從海口來。乞食僧歸齋鼓動。打
碑人去渡頭開。焦公羽化將名迹。付與瞿曇
壯哉。

蛾眉寺

千尺懸崖巨浪撞。危亭高峙對微茫。遠峯凝黛
雙蛾澹。流水連雲一帶長。日落江容難可畫。天
寒山色不成粧。停舟欲試登臨眼。北望青煙欲
斷腸。

高凌歎臺

高凌歎臺

菊圃集

三

宋祖高臺山上頭。三間破屋蔽層丘。離離荒草
迷行殿。漠漠寒沙擁故洲。塔影遠招孤客恨。江
聲長替古人愁。題詩自舊知多少。清絕難磨許
郢州。

三峽橋

倦遊華髮冷蕭騷。長夏來登三峽橋。山吐濕雲
何日盡。溪流凍雪幾時消。陸公泉在猶堪汲。五
老峯高不易招。客子倚闌思羽化。未仙衣袂已
飄飄。

雪堂

勝地從來迹易陳。東坡日月久猶新。小橋曾歷
歸時雪。老柳長搖別後春。城郭寥寥懷獨鶴。江
山歷歷見斯人。吾生較晚空惆悵。夢想陳潘結
舊隣。

竹樓

老竹平分當建瓴。小樓從此擅高名。地連雲堞
登臨穩。欄俯晴江夢寐清。一記自能追正始。三
間誰與續咸平。濤音日日煙中落。依約焚香讀
易聲。

八月旦日未定寺作

呈方丕甫

蕭然一室坐清虛。又見西風到客居。老去身心
便懶惰。人來情意任親疎。從僧借地秋移菊。與
佛分燈夜讀書。幽事復爲行計奪。去留端的合
何如。

小樓

小樓終日脫冠巾。白髮蕭疎不受塵。雖是客身
猶足樂。苦無世界未爲貧。家書遠寄憑遊子。邸
報頻看念故人。自歎此心清似水。爲它閑事惱
天真。

清明日約宋正甫黃行之兄弟爲東湖

之集

自在嬉遊遍四方。不曾孤負獨春光。醉眠芳草
衣裳冷。笑嚼名花齒頰香。旣是煙霞令久住。豈
應風月斷來章。故人尚有閑情不。相伴湖邊舉
一觴。

過方孚若寺丞故廬

詩境園林萬柳間。四圍秋草帶愁顏。樓臺寂寞
鼠成穴。巖石崔巍蚕負山。三徑昔嫌前輩窄。一
區今欠此翁閑。客來莫恠匆匆去。萬感催人鬢
易斑。

宿囊山寺

小泊囊山古化城。山林端足擅高名。樓臺影外
秋風老。鐘磬聲中夜氣清。客子情懷宜淡薄。主
人言語亦分明。只應海月堂前境。從此江湖有
夢成。

潛夫約中途遣詩相送至江山無耗寄
詩督之

望詩十步九回頭。目斷江山望未休。所幸臨行
曾舉似。僅能記憶可遮羞。碧雲漏日村村雨。紅
樹吟風葉葉秋。不見夜光生歆處。客身却恨欠

遲留

門徑

門徑蕭然獨自居。入無給侍出無車。江湖故舊
音塵絕。里巷游從酒盞疎。豪舉已拋三尺劍。神
交惟有一床書。吾兄白髮家空谷。歲晚燈前最
憶渠。

清明日招社友

面皮如鐵鬢如絲。依舊粗豪似向時。嗜酒更拚
三日醉。看花因費一春詩。生前富貴誰能必。身
後聲名我不知。且趁醪醑對醪醑。共來相與一

伸眉
感懷二首
春宵
富貴
共來
休與

漂泊南州又過年。恰如杜子客鄜川。酒堪度日難為醉。詩怕傷時未可傳。店舍無煙兵火後。街坊有月試燈前。荒涼古驛聞吹笛。老淚縱橫落枕邊。
行過千山復萬山。不應蜀道若為難。數莖髮向殊方白。一寸心從故國丹。弓軟臂無三斗力。杯深量欠十分寬。粗豪到了非吾事。只合家居度歲寒。

同劉潛夫登烏石山望海有懷方孚石
柯東海陳復齋舊游

念念思歸身欲翰。舊題無暇徧尋看。故人盡入黃泉路。遠客空登烏石山。休起癡心乘九鯉。莫勞病眼望三韓。神仙未必知吾事。道在何妨兩鬢斑。
仙遊何氏兄弟九人各乘一鯉飛昇

懷安王宰索得助詩奉題一首

亭在唐賢好句中。闌干六曲盡春風。不知脚下是官府。但見面前如渚宮。江水逢潮音激切。山雲因雨思溟濛。主人雅興居詩外。花影琴聲事

嶠音橋山銳而高又嘯韻音喬
去声義全

事工

清明日延平道上

自從閩嶠至延平試問歸塗第幾程人向煙嵐
深處出鳥依雲樹密邊鳴潤沾破屐春泥滑寒
入征衫曉雨晴多謝山家插楊柳報儂今日是
清明

秋陰

冉冉日將暮蕭蕭秋欲殘浮雲低閣兩宿靄密
藏山扇覺輕蒲重衣嫌細葛單更交一寒暑精
進獨衰顏

富陽縣秋日

古井梧桐老平田穰稔收鷄豚百里社砧杵十
分秋乾鵲催歸興寒蟬喚客愁銜枯憶霜蟹沙
尾莫停舟

小樓夜雨

心嬾緣忘世身閑為不才客愁隨病散老眼共
書開嗜酒有天戒愛花無地栽小樓風雨夜還
我鼻如雷

建昌道上

凜凜北風勁行行西路賒客情甘澹薄世事苦

言天莫貴高

菊礪集

三

參差酒易逢。知己詩難遇。作家林間數點雪。錯認是梅花。

隆興借東湖驛度夏雜題

西風來幾日。荷葉早衰容。百感聞秋笛。孤吟答晚鐘。事能如意少。酒不教愁濃。憶著尊鱸美。家山隔幾重。

春日雜興二首

欄鈴奏曲響珊珊。盡日重門不啓關。多插餅花供宴坐。爲渠消受一春閑。春歸門巷靜深深。老去無情不彊吟。風絮入簾

晴晝亦自燒香餅。試花沈

雨中

濃雲漠漠雨飛飛。不放東風取次吹。先自一春晴意少。那堪梅子欲黃時。

山堂卽事

杜鵑聲裡桐花落。山館無人晝掩扃。老去未能忘結習。自調濃墨寫黃庭。

秋夜

老去驚秋白髮添。不禁涼吹逼疎簾。樓高幸自蛩聲遠。爭奈梧桐又傍欄。

孺子祠堂

三間官屋老湖濱。孺子名聲日日新。下榻本非天上事。後人空自愧前人。

西湖二首

淺水搖船冷。曼沙平林暝。色接棲鴉湖邊老樹。垂垂白半是梅花。半雪花。老鶴無蹤野鴨飛。鳴琴聲裏畫船歸。傷心舊日經行地。不獨人非物亦非。

鬱孤臺

十年重上鬱孤臺。帶得江湖白髮來。滿眼青山

舊相識。晚為羣噪莫驚猜。登臨猶覺酒邊豪。往事新愁付一陶。深淺不常章貢水。崆峒只似舊時高。

澗傍菊花

歷寂黃花老澗傍。不因風雨減清芳。從教衰謝隨秋草。到了能全晚節香。

高氏世居林湖之濱閱相輝右族也有南仲
甫者鵬飛其諱也天姿英邁穎悟夙成學以濂
洛爲源旁稽經史文章典雅有元白風紹熙壬
子治詩領鄉薦其後屢屈廷試遂棄仕進隱居
林湖日與士大夫講明正學某功夫從某處起
某道德從某處得某地步從某路入益大有進
集詩數百以示予而請予序以遺子孫予謂詩
之流自三百篇後莫有盛於唐者而詩之法有
不同昔蘇李尙高妙曹劉尙豪逸陶阮尙冲淡
謝鮑尙峻潔徐庾尙藻麗予閱南仲詩詞體渾

厚風調清深脫弃凡近觀其有次孫燭湖秋懷
者曰水照木陰涼有夜渡鄞江者曰晚江山影
動龍蛇又有贈王佐時思庵者又有次王元吉
詠梅者不可悉述其始其終絕無蔬筍氣味無
斧鑿痕迹可見其能參高妙之格極豪逸之氣
包冲淡之趣兼峻潔之姿得藻麗之妙誠能全
十體備四則該二十四品具一十九格非淺陋
粗疎者之能竊也願鋟以廣其傳勿私於家可
也昔嘉泰甲子秋九月望後三日國子監學錄
致仕王晞平父序

林湖遺藁

高鵬飛字南仲行干十二進士

次王元吉詠梅

約畧陽和動琯灰南枝已冠百花魁莫教隴驛
携春去且向羅浮喚夢回玉骨風標自山種鐵
腸賦詠謾多才只應賸結青青子調鼎功夫看
後來

窓軒

一窓開永晝萬象出天成風力欺楊絮雷聲喚
笋萌愁多春不願病起眼猶明最喜今朝雨川

原足暮暉

過王氏雲莊

十里雲莊路。東風信杖藜。好花連夜發。幽鳥傍人啼。香宇禪心冷。山容醉眼迷。老僧春睡處。明月印樓西。

孤吟

世景雲來去。人情水淺深。塵埃從滿眼。交友欲知心。山簡豈愛酒。陶潛元解琴。對人不敢語。仰面數歸禽。

深夜風雨有懷故人

心馳流水高山外。身在落花啼鳥中。滴得愁濃青杏雨。吹教夢斷碧梧風。垂堂遠愧千金子。掃地空憐一畝宮。兩朶燈花伴孤獨。清權那得玉人同。

首夏

千里辭家不作難。歸來春事總闌珊。久留午夢梅黃雨。重索冬衣麥秀寒。百箔老蠶鋪雪乳。一庭新竹長琅玕。此時正喜民財阜。野草閑花任自殘。

湖上

舟載閑雲穩。湖光盪碧天。笑看沙上鳥。終日伴
雛眠。

深夜獨步思兄南伯舉杯扣門則卧矣
綠柳橋邊古道橫。乾坤寂寂夜三更。月窺門處
君高卧。露溼衣時夜獨行。杯酒孰同驅俗意。天
風時下步虛聲。明朝世界塵依舊。試挽銀河一
洗清。

丈亭渡阻風

捲地西風翻巨浪。小舟仍泊夜來灣。行沽携榼
雖無酒。卧看開篷幸有山。原草正肥黃犢飽。汀

蘋未老白鷗閑。平生遇險須知止。眼對江神一
解顏。

湖上

好景難逢柰老何。十年此地絕經過。山如得意
晚猶碧。雨亦知愁秋更多。造化從渠旋磨蟻。利
名笑汝撲燈蛾。湖邊直欲呼船去。更共漁人掛
綠蓑。

晚興

風靜湖光一鑑浮。青山四顧淡舒秋。松陰滿逕
歸來晚。醉看巖花笑白頭。

夜渡鄞江

睡起開篷月在沙。晚江山影動龍蛇。詩成索筆無人應。酒盡囊空何處賒。船去船來數聲櫓。江南江北幾人家。星娥定怪歸來晚。從此西風欲泛槎。

南溪

聞說南溪好。肩車帶雨來。澗泉鳴細石。松木衣蒼苔。雲笑人情薄。山隨客語回。黃花幽意足。知復為誰開。

次靜海令蓋晞之食蟹

吳中郭索聲價高。草泥足上生青毛。越中海市喧兒曹。白蟹厭飫霜前螯。新豐逆旅酒濯足。齊國相君飯脫粟。當時珍味無所需。吳越土宜俱碌碌。

復遊鄞江

欲扣山扉汲野泉。支筇眼駐柳陰邊。苦無平地休穿屐。待有輕風却放船。孤笛叫開雲裡月。一竿撐破水中天。舟人相戒低聲語。沙上恐驚鷗鷺眠。

次孫燭湖秋夜有感

木胡遺藁
忽作清宵夢。非關世累長。月隨花影轉。水照木
陰涼。浴露千峯碧。梳風兩鬢蒼。明朝須洗耳。秋
意過寒螿。

舟中

木落山高秋去後。犬驚人語夜深時。小舟滿載
離愁重。惟有孤鳴寒雁知。

又

一水分流無限曲。兩山相對不知名。漁翁夜半
歸南陌。認作中流擊楫聲。

秋晚

斷雲送歸雁。斜陽明晚櫂。西風灑雙鬢。醉倚危
闌東。

江邨遺藁

高選字德舉行五十官節推

題家信後

十載慙慙訓子情。禮闈今幸占微名。彤庭策獻三千字。鵬海風搏九萬程。帽插宮花瓊宴罷。身沾仙露賜衣榮。瞻雲北闕人迢遞。空憶高堂雪鬢生。

瑞安縣詠懷

一經逢聖世。啣詔下神州。才陋慚無補。官卑得自由。刑威存撫字。賦役敢誅求。何日乘公暇。溪

山策騎遊

太息

時擢武當軍節度

天運逢南渡。和成勢已移。山河憐破碎。草木亦傷悲。鐵騎馳中土。塵隘北陲。哀臣雙淚眼。豈畏朔風吹。

高邁字德志行六十官縣尉

夜泊李陽驛

風拂烏紗兩鬢秋。李陽溪上夜停舟。市燈閃月聞鳴犬。城柝敲風起睡鷗。千里遠馳承寵命。通宵不寐為民憂。幽懷自信清如洗。獨倚蓬窓看

斗牛

勉堦史彌大

老朽歸田久。烏紗白髮新。經綸天下事。都屬少年人。

建德縣詠懷

日午琴堂吏散衙。不愁鬢雪點烏紗。訟清犴獄塵封草。人靜公庭鳥啄花。惟願兒童無凍餒。每令野老勸桑麻。聖恩未報吾心赤。肯效青門學種瓜。

道傍菊

荆棘叢中是故隣。更無君子與相親。含英吐秀西風裏。空把芳心向路人。

寒梅野雀圖

陰陰榕葉覆寒梅。山逕無踪盡綠苔。啼鳥自知安穩處。成羣飛去又飛來。

質齋行五府君

田園偶興

繞簷風景接崆峒。生計年年樂歲豐。布穀聲傳紅杏雨。調起綠楊風。桑麻遠近千村裏。黍高低一望中。每與隣翁相慶社。醉歌不惜酒

樽空。

溪石呈李思道

共坐溪邊石。溪清心自涼。魚驚烟艇過。鷗笑野人忙。細草侵衣綠。飛花點鬢香。東風塵暫息。拍手送斜陽。

復和呈莫仲篔

溪石綉苔綠。溪風颺晚涼。坐久得自若。物外知誰忙。渴飲竹泉冷。饑飯松花香。春光忽云暮。

陽

紀興

湖上人家萬木村。白雲深護讀書門。年來不管
頭顱白。自賀清風酒一樽。

秋日溪亭

簾捲柴桑晚。深山俗駕踈。荒苔留鶴跡。落葉帶
虫書。竹翠侵香案。泉聲漱石渠。烟霞便一枕。應
笑把犁鋤。

遁翁行二十三府君

僻性

僻性一生忘嗜酒。勞神終日倦吟詩。尋常高卧
松床穩。不管庭前鶴到遲。

曉逕

蘿逕朝飛雨。莓苔染翠濃。登山雙屐健。自擬少
年同。

春日春暮

石橋門外送斜暉。柳洒清風透客衣。老眼看花
能有幾。如何啼鳥暮春歸。

市橋晚坐

隔眼風塵寢。閑心照水清。牛羊歸古坂。鷗鷺集
浮萍。倦我思垂釣。知誰共濯纓。湖光浮一鑑。倒
映夕陽明。

江中遺集
秋晚

風掃柴門淨。銀燈吐玉花。納涼憑石。待月上
窓紗。老去心猶壯。秋來鬢任華。不妨高枕睡。無
夢到公家。

自詠遁翁

虛名蝸角不撓情。老木綿裘分此生。世事只隨
今日過。心田留待後人耕。舊書豈厭從頭看。險
路何妨退步行。俯仰欲求無所愧。舉頭惟對月
華明。

甥舅同登進士亦世之不易得者今幸

逢其會因吟一律以寄一以表祖宗積
善之徵二以謝聖主寵賜之榮三以致
勉忠之意二子惟勗諸

潦倒山林已二毛。忽聞□□下衡茅。祖宗積德
幸多世。甥舅何妨共奪標。柳拂祥雲看虎榜。杏
扶春色上雲袍。從今莫作懷家計。須効忠良荅
聖朝。

疎寮小集

高似孫字續古

入餘杭縣

明發遵西陸。驅車月流光。佳山迎車來。知是古
餘杭。危樹露如雨。平野日未陽。支流瀆清源。弱
羽無高翔。人家叢灌下。世載山水鄉。扣門作午
憇。白飯羞文魴。邂逅有足歡。離合非其常。主人
不予鄙。予留亦徜徉。

憩昌化民家

晚程息勞轍。白日流西暉。水鳥得魚去。耘夫荷

鋤歸川原杳。仟緜林野雜。依霏一來扣竹館。相
邀入荆扉。重巖吐清溜。澄陰布殘馘。日予考此
室。十世相因依。左右桑果足。歲日雞豚肥。豐猶
未至裕。歉亦無能饑。予聞良自愜。欲謀北山薇。
有田可同耕。有蠶當共衣。車夫猝無情。此志仍
重違。

荅李才翁

素意杳難尋。殘鑪屬晚陰。花知西洛事。雁叫北
人心。客共艱難盡。詩隨老大深。金陵書不到。消
息又沉沉。

宋江都研

數寸清純玉。不如入波陶。髮冷蕭疎。千金爛抵
荆山鵲。一璞深剝渭水魚。墨帶花香。臨近澗泓
沉。燈影了殘書。從來端歛。難優劣。名下真成士
不虛。

荅宇文文學

無能應俗苦皇皇。詩不驚人筆事荒。天下無山
如飯顆。人間有水自滄浪。左杯右蟹一舟足。早
韭晚菘三畝強。莫謂覺來無可嗜。逢人猶自覓
花忙。

燕文貴山水圖

道山堂上御府畫。展卷猶能記老燕。十日何由
辦水石。千金乃可分江天。楚湘兩岸風落木。海
嶽三秋雁度川。大山小山俱好隱。江南夢去曲
肱眠。

荅武昌吳廣文

平生不識武昌樓。官柳青青好在不。庾亮笛吹
黃鶴月。簡栖碑駁碧苔秋。山橫赤壁含情斷。水
出瞿唐快意流。何處叫君同一醉。並舟秦女擘
箜篌。

延祥觀

水明一色抱神州。雨壓輕塵不敢浮。山北山南
人喚酒。春前春後客凭樓。射熊館暗花扶屐。下
鵠池深柳拂舟。白髮邦人能道舊。君王曾奉上
皇遊。

丹砂歌謝胡史君惠砂床

宜州丹砂產揚谷。不比辰溪攢箭鏃。素霓深抱
赤城霞。斬猩半染于闐玉。海日下照珊瑚紅。化
爲妃女金芙蓉。一從擘華分禹璞。猶有絳炁埋
雲峯。鑄鼎泥壇有消息。坐看光輝成五色。淮南

雞犬亦同升。九轉真能生羽翼。
人生聚散難爲別。何況匆匆作胡越。梅稍帶雪下昭陽。明朝便隔關山月。長城不戰四夷平。臣妾一死鴻毛輕。回憑漢使報天子。爲妾奏此琵琶聲。長安城中百萬戶。家家競學琵琶譜。酸聲苦調少人知。食雪天山憶蘇武。西風吹霜雁飛飛。漢宮月照秋砧衣。嫋姚已死甲兵老。公主公主何時歸。

銅雀硯歌

曹公夜讌凌雲臺。一言契濶含餘哀。分香老伎各雲雨。歌舞不盡埋蒿萊。漠漠頽基鄴山下。萬里烟塵無一瓦。井幹罇酒自平生。烏鵲飛南播遺雅。老農墾雨開荒寒。一礫千金苔未乾。世人好奇不好近。直比周簋仍商槃。老璞渾渾殊質魯。得水猶能發妍媸。更與人間作瓌古。月明夜盜西陵土。

黃居中瀟湘圖歌

天暝而雨斷兮。作蒼梧九疑之高秋。風行而川怒兮。洩瀟湘洞庭之奔流。樹不知名兮。山抱複

嶺沙不計程兮。水趨它洲波作止兮。蛟舞蛟螫。雲晦明兮。猿呼猿愁。原不可作兮。蘭亦塵土。賈傅歸漢兮。鵬其何尤。誰呼魚兮。北溟有酒。誰鼓柁兮。南津有舟。懷斯人兮。杳靄千里。目悵望兮。吾其歸休。

寄吳鈴幹

有偉千人傑。能爲萬里遊。挂帆春背鴈。問驛夜驚鷗。道路空留滯。文章莫暗投。九疑生雨徧。三峽帶寒流。采藥青神觀。題詩白帝樓。乾坤供爛醉。星斗照閑愁。漢已歸蕭相。天難壽武侯。詞人

頭欲雪。壯士淚如秋。中下猶須策。西南夙倚籌。有錢書盡買。滅志終酬猿。破高唐夢。龍馴灑。瀕舟行人定安穩。夏近可歸不。

騎鸞引贈句曲山吳道士

夜騎白鸞出琳闕。三萬仙官鏘珮玦。雲雷帖妥。過剛風左推日。九右扶月。一息瑤池翠水家。阿母迎謁龍驅車。青娥彈絲玉妃酒。圻盡蟠桃紅玉花。九天丈人來問道。太極之前天不老。丹霞一炁玉樞宮。寶笈繩金容探討。井君沐浴波五色。洞房光芒上奔日。天上傳呼六丁直。星斗離

書名 伍天棠畫稿

冊數 1 版別 紙

議價 5.1 議價章 5.18 年

編號 字第 42859 號

北京市圖書業同業公會印刷

疏齋小集
離礙鸞翼

天火人來出巖大礙空前天不遠其書

外... 天... 火... 人... 來... 出... 巖... 大... 礙... 空... 前... 天... 不... 遠... 其... 書...

... 天... 火... 人... 來... 出... 巖... 大... 礙... 空... 前... 天... 不... 遠... 其... 書...



